

四庫全書

史部

欽定四庫全書

金史卷五十五

元中書右丞相總裁托克托等修

志第三十六

百官一

三師  
三公  
尚書省  
六部  
都元帥府  
樞密院  
大宗正府

御史臺  
宣撫司  
勸農使司

司農司  
三司  
國史院

翰林學士院  
審官院  
太常寺

金自景祖始建官屬統諸部以專征伐巍然自為一國

其官長皆稱曰貝勒故太祖以達貝勒嗣位太宗以安班貝勒居守安班尊大之稱也其次曰古倫烏赫哩貝勒古倫言貴烏赫哩猶總帥也又有古倫貝勒或左右置所謂國相也其次諸貝勒之上則有古倫英實烏赫哩伊拉齊愛滿阿斯罕溫德特之號為陞拜宗室功臣之序焉其部長曰貝勒統數部者曰烏赫哩凡此至熙宗定官制皆廢其後惟鎮撫邊民之官曰圖哩烏爾古之下有繅袞圖依達詳袞之下有默濟格實納昆具於

官制而不廢皆踵遼官名也漢官之制自平州人不樂為明安穆昆之官始置長吏以下天輔七年以左金弓行樞密院于廣寧尚踵遼南院之舊天會四年建尚書省遂有三省之制至熙宗頒新官制及換官格除拜內外官始定勲封食邑入銜而後其制定然大率皆循遼宗之舊海陵庶人正隆元年罷中書門下省止置尚書省自省而下官司之別曰院曰臺曰府曰司曰寺曰監曰局曰署曰所各統其屬以修其職職有定位員有常

數紀綱明庶務舉是以終金之世守而不敢變焉大定  
二十八年任仕官一萬九千七百員四季赴選者千餘  
歲數監差者三千明昌四年奏周歲官死及事故者六  
百七十新入仕者五百一十見在官萬一千四百九十  
九內女直四千七百五員漢人六千七百九十四員至  
泰和七年在仕官四萬七千餘四季部擬授者千七百  
監官到部者九千二百九十餘則三倍世宗之時矣若  
宣宗之招賢所經畧司義宗之益政院雖危亡之政亦

必列于其次以著一時之事云

三師太師太傅太保各一員皆正一品師範一人儀刑四海

三公太尉司徒司空各一員皆正一品論道經邦變理陰陽

尚書省尚書令一員正一品總領紀綱儀刑端揆左丞相右丞相各一員從一品平章政事二員從一品為宰相掌承天子平章萬機左丞相右丞相員正二品

參知政事二員從二品為執政官為宰相之貳佐治

省事左司郎中一員正五品

國初置左右司侍郎大  
卷三年始更今名舊凡

視朝執政官親執奏自天德二  
年詔以付左右司官為定制

員外郎一員正六品

掌本司奏事總察吏戶禮三部受事付事兼帶修起

居注官迴避其間記述之事每月朔朝則先集是月

秩滿者為簿名曰闕本及行止簿貼黃簿并官制同

進呈御覽畢則受而藏之每有除拜凡尚書省所不

敢擬注者則一闕具二三人以聽制授焉都事二員

正七品

貞元二年左右司官宮中出身并進士今史  
三色人內通選三年以監察御史相應人取

次粟奏不  
復擬注

掌本司受事付事檢勾稽失省署文牘兼

知省內宿直檢校架閣等事右司所掌同右司郎中

一員正五品員外郎一員正六品掌本司奏事總察

兵刑工三部受事付事兼帶修注官迴避其間記述

之事都事二員正七品

尚書省祇候郎君管勾官從七品掌祇候郎君謹其

出入及差違之事

承安二年以前走馬郎君擬注泰  
和今以左右女直都事兼正大間



改用親

從人

架閣庫

大定二十一年六月設仍以都事提控之

管勾

舊二員正  
大省一員

正八品

同管勾

舊二員正  
大省一員

從八品總掌察左右司大程官追

付文牘并提控小都監給受紙筆餘管勾同

女直省  
令史三

十五人左二十人右十五人大定二十四年為三十人進士十人宰執子宗室子十人密院臺部統軍司

令史十人漢令史三十五人左二十一人右十四人省譯史十四人左右各七人女直譯史同通事八人左右各四人高麗夏國回紇譯史四人左右各二人諸部通事六人伊喇二十人走馬郎君五十人提

點歲賜所左右司郎中員外郎兼之掌提點歲賜出

入錢幣之事

堂食公使酒庫使一員從八品掌受給歲賜錢總領  
庫事副一員正九品掌貳使事

直省局局長從八品掌都堂之禮及官員叅謝之儀  
副局長正九品掌貳局長

管勾尚書省樂工從九品

行臺之制熙宗天會十五年罷劉豫置行臺尚書省  
于汴天眷元年以河南地與宋遂改燕京樞密為行

臺尚書省天眷三年復移置於汴京皇統二年定行  
臺官品皆下中臺一等

六部國初與左右司通署天眷三年始分治

吏部尚書一員正三品侍郎一員正四品郎中二員從

五品

天德二年增  
作四員後省

員外郎從六品

天德二年增  
作四員後省

掌文

武選授勲封考課出給制誥之政以才行勞效比仕

者之賢否以行止文冊貼黃簿制各闕之機要正七

品以上以名上省聽制授從七品以下每至季月則

循資格而擬注自八品以上則奏以下則否侍郎以下皆為尚書之貳郎中掌文選流外遷用用官吏差使行止名簿封爵制誥一員掌勲級酬賞承襲用廢循遷致仕考課議謚之事員外郎分判曹務及叅議事所掌與郎中同文官九品階凡四十二從一品上曰開府儀同三司中曰儀同三司中次曰特進下曰崇進正二品上曰金紫光祿大夫下曰銀青光祿大夫從二品上曰光祿大夫下曰榮祿大夫正三品

上曰資德大夫中曰資政大夫下曰資善大夫從三  
品上曰正奉大夫中曰通奉大夫下曰中奉大夫正  
四品上曰正議大夫中曰通議大夫下曰嘉議大夫  
從四品上曰大中大夫中曰中大夫下曰少中大夫  
正五品上曰中議大夫中曰中憲大夫下曰中順大  
夫從五品上曰朝請大夫中曰朝散大夫下曰朝列  
大夫舊曰奉德大夫  
天德二年更正六品上曰奉政大夫下曰奉  
議大夫從六品上曰奉直大夫下曰奉訓大夫正七

品上曰承德郎下曰承直郎從七品上曰承務郎下  
曰儒林郎正八品上曰文林郎下曰承事郎從八品

上曰徵事郎下曰從仕郎正九品上曰登仕郎下曰

將仕郎從九品上曰登仕佐郎下曰將仕佐郎

此二階大

定十四  
年創增

武散官凡仕至從二品以上至從一品者皆

用文資自正三品以下階與文資同正三品上曰龍

虎衛上將軍中曰金吾衛上將軍下曰驃騎衛上將

軍從三品上曰奉國上將軍中曰輔國上將軍下曰

鎮國上將軍正四品上曰昭武大將軍中曰昭毅大將軍下曰昭勇大將軍從四品上曰安遠大將軍中曰定遠大將軍下曰懷遠大將軍五品上曰廣威將軍中曰宣威將軍下曰明威將軍從五品上曰信武將軍中曰顯武將軍下曰宣武將軍正六品上曰武節將軍下曰武德將軍從六品上曰武義將軍下曰武略將軍正七品上曰承信校尉下曰昭信校尉從七品上曰忠武校尉下曰忠顯校尉正八品上曰

忠勇校尉下曰忠翊校尉從八品上曰修武校尉下

曰敦武校尉正九品上曰保義校尉下曰進義校尉

從九品上曰保義副尉下曰進義副尉

此二階大定十四年創增

封爵正從一品曰郡王曰國公正從二品曰郡公正

從三品曰郡侯正從四品曰郡伯

舊曰縣伯承安二年更

正五

品曰縣子從五品曰縣男凡勲級正二品曰上柱國

從二品曰柱國正三品曰上護軍從三品曰護軍正

四品曰上輕車都尉從四品曰輕車都尉正五品曰



上騎都尉從五品曰騎都尉正六品曰驍騎尉從六品曰飛騎尉正七品曰雲騎尉從七品曰武騎尉凡食邑封王者萬戶實封一千戶郡王五千戶實封二百戶國公三千戶實封三百戶郡公二千戶實封二百戶郡侯一千戶實封一百戶郡伯七百戶縣子五百戶縣男三百戶皆無實封自天眷定制凡食邑同散官入銜司天翰林官舊制自從七品而下止五階至天眷定制司天自從四品而下立為十五階從四

品上曰欽象大夫中曰正儀大夫下曰欽授大夫正  
五品上曰靈憲大夫中曰明時大夫下曰頌朔大夫  
從五品上曰雲紀大夫中曰協紀大夫下曰保章大  
夫正六品上曰紀和大夫下曰司玄大夫從六品上  
曰探賾郎下曰授時郎正七品上曰究微郎下曰靈  
臺郎從七品上曰明緯郎下曰候儀郎正八品上曰  
推策郎下曰司正郎從八品上曰校景郎下曰平秩  
郎正九品上曰正紀郎下曰挈壺郎從九品上曰司

歷郎下曰司辰郎太醫官舊自從六品而下止七階  
天眷制自從四品而下立為十五階從四品上曰保  
宜大夫中曰保康大夫下曰保平大夫正五品上曰  
保頤大夫中曰保安大夫下曰保和大夫從五品上  
曰保善大夫中曰保嘉大夫下曰保順大夫正六品  
上曰保合大夫下曰保沖大夫從六品上曰保愈郎  
下曰保全郎正七品上曰成正郎下曰成安郎從七  
品上曰成順郎下曰成和郎正八品上曰成愈郎下

曰成金郎從八品上曰醫全郎下曰醫正郎正九品  
上曰醫效郎下曰醫候郎從九品上曰醫痊郎下曰  
醫愈郎內侍天德創制自從四品以下十五階從四  
品上曰中散大夫中曰中尹大夫下曰中侍大夫正  
五品上曰中列大夫中曰中御大夫下曰中儀大夫  
從五品上曰中常大夫中曰中並大夫下曰中衛大  
夫正六品上中良大夫天德作中亮下曰中涓大大夫從  
六品上曰通禁郎下曰通侍郎正七品上曰通掖郎

下曰通御郎從七品上曰禁直郎下曰侍直郎正八品上曰掖直郎下曰內直郎從八品上曰司贊郎下曰司謁郎正九品上曰司閤郎下曰司僕郎從九品上曰司奉郎下曰司引郎教坊舊用武散官大定二十九年以為不稱乃創定二十五階明昌三年自從四品以下更立為十五階從四品上曰雲韶大夫中曰仙韶大夫下曰成韶大夫正五品上曰章德大夫中曰長寧大夫下曰德和大夫從五品上曰景雲大

夫中曰雲和大夫下曰協律大夫正六品上曰慶嘉  
大夫下曰嘉成大夫從六品上曰肅和郎下曰純和  
郎正七品上曰舒和郎下曰調音郎從七品上曰比  
音郎下曰司樂郎正八品上曰典樂郎下曰協樂郎  
從八品上曰掌樂郎下曰和樂郎正九品上曰司音  
郎下曰司律郎從九品上曰和聲郎下曰和節郎凡  
內外官之政績所厯之資考更代之期去就之故秩  
滿皆備陳於解由吏部據以定能否又撮解由之要

於銓擬時讀之謂之銓頭又會歷任銓頭而書于行  
止簿行止簿者以姓為類而書各人平日所歷之資  
考功過者也又為簿列百司官名有所更代則以小  
黃綾書更代之期及所以去就之故而制其銓擬之  
要領焉凡縣令則省除部除者通書而各疏之泰和  
四年定考課法准唐令作四善十七最之制四善之  
一曰德義有聞二曰清慎明著三曰公平可稱四曰  
勤恪匪懈十七最之一曰禮樂興行肅清所部為政

教之最二曰賦役均平田野加闢為牧民之最三曰  
決斷不滯與奪當理為判事之最四曰鈐束吏卒姦  
盜不滋為嚴明之最五曰案簿分明評擬均當為檢  
校之最以上皆謂縣令丞簿警巡使副錄事司候判  
官也六曰詳斷合宜咨執當理為幕職之最七曰盜  
賊消弭使人安靜為巡捕之最八曰明於出納物無  
損失為倉庫之最九曰訓導有方生徒充業為學官  
之最十曰檢察有方行旅無滯為關津之最十一曰



隄防堅固備禦無虞為河防之最十二曰出納明敏  
數無濫失為監督之最十三曰謹察禁囚輕重無怨  
為獄官之最十四曰物價得實姦濫不行為市司之  
最謂市令也十五曰戎器完肅扞守有方為邊防之  
最謂正副部隊將鎮防官也十六曰議獄得情處斷  
公平為法官之最十七曰差役均平盜賊止息為軍  
職之最謂都軍軍轄也凡縣令以下三最以上有四  
善或三善者為上陞一等三最以上有二善者為中

減兩資歷三最以上有一善為下減一資歷節度判  
官防禦判官軍判以下一最而有四善或三善為上  
減一資歷一最而有二善為中陞為榜首一最而有  
一善為下陞本等首又以明昌四年之制軍民俱稱  
為廉能者為廉能官參于其間而定其甄擢焉宣宗  
興定元年行辟舉縣令法考以六事一曰田野闢二  
曰戶口增三曰賦役平四曰盜賊息五曰軍民和六  
曰詞訟簡六事俱備為上等升職一等兼四事者為

中等減二資歷其次為下等減一資歷否則為不稱

職罷而降之平常者依本格凡封王大國號二十曰

恒

舊為遼明昌二年以漢遼唐宋梁秦殷之類皆皆有天下者之號不宜封臣下遂皆改之邵舊為

梁

汴舊為宋鎬舊為秦并舊為漢益舊為漢彭舊為齊趙舊為越舊為譙舊為

殷

郢舊為楚魯舊為冀舊為豫舊為絳舊為唐兗舊為吳鄂舊為夔舊為宛舊為陳

曹次國三十曰涇舊為隋鄭衛韓潞幽瀋岐代澤徐滕

薛紀昇

舊為原邢翼豐畢鄧鄆霍蔡瀛按金格舊沂荆

榮英壽溫小國三十濮遂

舊曰濟道定景後改申崇宿

昔莒鄆郛舒淄郕萊

舊為宗以避諱改

郕郕杞向管

舊曰郕與定元

年改密昨任載鞏蔣

士民須知云舊為舊

蕭莘芮封王之郡號十

金源廣平平原南陽常山太原平陽東平安定延安

封公主之縣號三十樂安清平蓬萊榮安棲霞壽光

靈仙壽陽鍾秀惠和永寧慶雲靜樂福山隆平德平

文安福昌順安樂壽靜安靈壽大寧聞喜秀容宜芳

真寧嘉祥金鄉華原凡白號之姓完顏溫特赫瓜爾

佳圖們布薩珠格伊勒圖沃呼旺扎卜阿布哈珠魯

輝特輝罕輝羅徹木袞賽密呼烏克遜舒爾都卓特  
烏蘇占博提斯博爾濟克烏實拉舒古蘇珠爾罕光  
嘉喇皆封金源郡費摩圖克坦溫都烏凌阿阿克占  
赫舍哩納喇富珠哩珠勒根納哈塔實嘉布希卦勒  
察阿達尼瑪蘭穆延納塔烏蘇烏紳拜格溫都遜諾  
延色赫哩烏色哈薩喇納雅阿里巴爾坦尼沙富色  
里皆封廣平郡烏庫哩烏雅鈕祜祿通吉洪果延扎  
博和哩必喇幹哩都克塔尼瑪哈托羅特赫舒沙達

喇阿蘇薩察卓多穆納木都魯雅蘇貝額蘇哩愛新  
納克古勒琿幹色索歡呼雅皆封隴西郡黑號之姓  
唐古富察珠嘉蒙古伯蘇鈕祜祿鄂屯錫默珠格愛  
滿都克塔哩摩年伊年托諾蘇伯林皆封彭城郡親  
王母妻封一字王者舊封王妃為正從一品次室封  
王夫人承安二年勅王妃止封王夫人次室封孺人  
郡王母妻封郡王夫人國公母妻封國公夫人郡公  
母妻封郡公夫人郡侯母妻封郡君

承安二年更  
為郡侯夫人四

品文散少中大夫武散懷遠大將軍以以母妻封縣

君

承安二年  
為郡君

五品文散朝列大夫武散宣武將軍以

上母妻封鄉君

承安二年  
為縣君

皇統五年以古官曰牧曰

長各有總名今庶官不分類為名於文移不便遂定

京府尹牧留守知州縣令詳袞羣牧為長官同知簽

院副使少尹通判丞曰佐貳官判官推官掌書記主

簿縣尉為幕職官兵馬司及他司軍者曰軍職官警

巡市令錄事司候諸叅軍知律勘事勘判為釐務官

應管倉庫院務者曰監當官

監當官出  
大定制

知事孔目以

下行文書者為吏凡除拜尚書令左右丞相以下品  
不同者則帶守字左右丞則帶行守字凡臺官御史  
部官京尹少尹守令丞簿尉錄事諸卿少至協律評  
事諫官國子監學官諸監至丞郎符寶郎東宮詹事  
率府僕正副令丞王府官散官高於職事者帶行字  
職事高於散官一品者帶守字二品者帶試字品同  
者皆否明安穆昆翰林待制修撰判推勘事官都事



典事知事內承奉押班通事舍人通進編修勾當頓  
舍部役廂官受給管勾巡河官直省直院長副諸檢  
法知法司正教授司獄司候東宮諭德贊善掌寶典  
儀以下王府文學記事叅軍並帶充字樞密宣徽勸  
農諸軍都指揮統軍轉運使招討提刑節度羣牧防  
禦客省引進四方館閣門太醫教坊鷹坊警巡巡檢  
諸司局倉庫務使副皆帶充字及知某事凡帶知判  
簽書字者則不帶行守試字已上所帶字品同者則

否自三師三公平章政事元帥以下至監軍東宮三師三少點檢至振肅承旨學士王傅副統招討及前所不載皆不帶行守試知充字主事四員員從七品掌知管差除校勘行止分掌封勲資考之事惟選事則通署及掌受事付事檢勾稽失省署文牘兼知本部宿直檢校架閣餘部主事自受事付事以下所掌

並同此

皇統四年六部主事始用漢士人大定三年用進士非特旨不得擬吏人如宰執保奏人

材不入常例承安五年增女直主事一員令史六十九人內女直二十九人譯史五人通事二人與令史

同泰和八年  
令史增十人

架閣庫

大定二十一年六月  
設仍以主事提控之

管勾正八

品掌吏兵兩部架閣兼檢校吏部行止

以職女直契  
丹漢字人充

如無擬識女  
直漢字人充

同管勾一員官誥院提舉二員掌署院

事

以吏部郎中翰林  
修撰各一人充

戶部尚書一員正三品侍郎二員正四品

泰和八年減  
一員承安二

年復

郎中二員從五品

天德二年置五員泰和省作  
二員又作四員貞祐四年置

八員五年  
作六員

員外郎三員從六品郎中而下皆以一員

掌戶籍物力婚姻繼嗣田宅財業鹽鐵酒麴香茶礬

錫丹粉坑冶權場市易等事一員掌度支國用俸祿

恩賜錢帛寶貨貢賦租稅府庫倉廩積貯權衡度量

法式給授職田拘收官物并照磨計帳等事

泰和令作二員

後增一員貞祐四年作六員人作八員五年作四員

主事五員從七品女直司

二員通掌戶度金倉等事漢人司三員同員外郎分

掌曹事

泰和八年減一員貞祐四年作八員五年六員

兼提控編附條格管

勾架閣等事

今史七十二人內女直十七人譯史五人通事二人泰和八年增八人

架

閣庫管勾一員正八品掌戶禮兩部架閣

大安三年以主事各

同管勾從八品檢法從八品勾當官五員各八品

貞元二年設幹辦官十員從七品三年置四員尋罷

之四年更設為勾當官專提控支納管勾勘覆經歷

交鈔及香茶鹽引照磨丈帳等事

承安二年作四員  
貞祐四年作十五

員五年作十員興定元  
年五員二年復作十員

禮部尚書一員正三品侍郎一員正四品郎中一員從

五品員外郎一員從六品掌凡禮樂祭祀燕享學校

貢舉儀式制度符印表疏圖書冊命祥瑞天文漏刻

國忌廟諱醫卜釋道四方使客諸國進貢犒勞張設

之事

凡試僧尼道女冠三年一次限度八十人差京府幕職或節鎮防禦佐貳官二員僧官二人道

官一人司吏一名從人各一人厨子二人把門官一名雜役三人僧童能讀法華心地觀金光明報恩華嚴等經共五部計八表華嚴經分為四表每帙取二卷卷舉四題讀百字為限尼童試經半部與僧童同道士女冠童行念道德救苦玉京山消災靈寶度人等經皆以誦成句依音釋為通中選者試官給據以名報有司凡僧尼官見管人及八十道士女冠及三十人者放度一名死者令監壇以度牒申部毀之

主事二員從七品

今史十五人內女直五人譯史二人通事一人

左三部檢法司司正二員正八品掌披詳法狀

興定二年

右部額外設檢知  
法及掌法四年罷

檢法二十二員從八品掌檢斷各

司取法文字右三部檢法職事同

元受割付大定  
三年命給勅

兵部尚書一員正三品侍郎一員正四品郎中一員從

五品員外郎二員從六品掌兵籍軍器械隍鎮戍廢

牧鋪驛車輅儀仗郡邑圖志險阻障塞遠方歸化之

事

凡給馬者從一品以上從八人馬十疋食錢三貫  
十四文從二品以上從五人馬七疋食錢二貫九

十八文從三品以上從三人馬五疋錢一貫五百十  
一文從五品以上從二人馬四疋錢九百六十八文

從七品以上從一人馬三疋錢六百十七文從九品  
以上從一人馬二疋錢四百六十四文無從人減七

十八文御前差無官者視從五品省差若有官者人  
支錢四百五十一文有從人加六十八文走馬人支  
錢百五十七文敕書日行五百里此天興近鑑所載  
之制也泰和六年置遞鋪其制該軍馬路十里一鋪  
鋪設四人內鋪頭一人鋪兵三人以所轄軍射糧軍  
內差充腰鈴日行三百里凡元帥府六部文移以勒  
遞省遞牌子主事二員從七品貞祐五年以承發司  
管勾魚漢人主事令  
入鋪轉送  
史二十七人內女直十二  
人譯史二人通事二人

刑部尚書一員正三品侍郎一員正四品郎中一員從  
五品員外郎二員從六品一員掌律令格式審定刑  
名閹津議察敕詔勘鞠追徵給沒等事一員掌監戶



官戶配隸訴良賤城門啓閉官吏改正功賞捕亡等

事主事二員從七品

令史五十一人內女直二十人  
譯史五人通事二人 架

閣庫管勾一員正八品掌刑工兩部架閣

大安二年  
以主事各

兼同管勾一員從八品

工部尚書一員正三品侍郎一員正四品郎中一員從

五品掌修造營建法式諸作工匠屯田山林川澤之

禁江河隄岸道路橋梁之事員外郎一員從六品

貞祐

五年兼覆實司官  
天德三年增二員

主事二員從七品

令史十八人內  
女直四人譯史

二人通  
事一人  
覆實司管勾一員從七品隸戶工部掌覆實

營造材物工匠價直等事

大安元年隸三司工部罷同管勾貞祐五年併罷之

以工部主事兼興定四年復設從省擬不令戶工部舉

右三部檢法司司正二員正八品檢法從八品二十

二員

都元帥府

掌征討之事兵罷則省天會二年伐宋始置泰和八年復改為樞密院

都元帥

一員從一品左副元帥一員正二品右副元帥一員

正二品元帥左監軍一員正三品元帥右監軍一員

正三品左都監一員從三品右都監一員從三品經

歷一員都事一員知事一員

見興定三年

正七品檢法一

員從八品

元帥府女直令史十二人承安二年十六人漢人令史六人譯史三人女直譯史一

人承安二年二人通事女直三人後作六人承安二年復作三人漢人二人

正隆六年海

陵南伐立三道都統制府及左右領軍大都督將三

十二總管有神策神威神捷神銳神毅神翼神勇神

果神畧神鋒武勝武定武威武安武捷武平武成武

毅武銳武揚武翼武震威定威信威勝威捷威烈威

毅威震威略威果威勇之號泰和六年伐宋權設平

南撫軍上將軍正三品至殄寇果毅都尉從六品凡

凡階曰平南撫軍上將軍平南冠軍大將軍平南龍

驤將軍平南虎威將軍平南盪江將軍殄寇中郎將

殄寇郎將殄寇折衝都尉殄寇果毅都尉軍還罷全

譯之八十八人正三十三人  
餘四十七人從本府選擢元光間招義軍置總領使

從五品副使從六品訓練官從八品正大二年更總

領名都尉陞秩為四品四年又陞為從三品有建威

折衝振武盪寇果毅殄寇虎賁鷹揚破虜之名

樞密院

天輔七年始置于廣寧府天會三年下燕山初以左企弓為使後以劉彥宗初猶如遼南院之

制後泰和六年嘗改為元帥府樞密使一員從一品則否

掌凡武備機密之事樞密副使一員從二品

泰和四年置二

人後不為例

簽書樞密院事一員正三品同簽樞密院事

一員正四品

大定十七年增一員尋罷明昌初復增一員尋又省三年九月後增一員經

歷一員從五品

興定三年置

都事一員正七品掌受事付

事檢勾稽失省署文牘兼知宿直之事架閣庫管勾

一員正八品知法二員從八品掌檢斷各司取法之

事檢檢法同

樞密院令史女直十二人漢人六人三品官子弟四人吏員轉補二人譯史三

人通事三人回紇譯

史一人伊喇十五人

太宗正府泰和六年避睿宗諱改為大睦親府判大宗

正事一員從一品以皇族中屬親者充掌敦睦糾率

宗屬欽奉王命泰和六年改為大睦親事同判大宗

正事一員從二品泰和六年改為同判判睦親事同

簽大宗正事一員正三品室室充

大定元年置

泰和六年

改同簽大睦親事大宗正丞二員從四品一員於宗  
室中選能幹者充一員不限親疎分司上京長貳兼  
管治臨潢以東六司屬泰和六年改為大睦親丞知  
事一員從七品檢法從八品諸宗室將軍正七品上  
京東和倫特赫二處皆有之世宗時始命遷官其戶  
凡百二十明昌二年更名曰司屬設令丞承安二年  
以令同隨朝司令正七品丞正八品中都上京哲爾  
袞合右西南瑪展寨扶餘臨潢泰州金山等置處屬

大宗正府

御史臺登聞檢院隸焉

見士民須知總格  
秦和令皆不載

御史大夫從

二品

舊止三品大  
定十二年陞

掌糾察朝儀彈劾官邪勸勸官府

公事凡內外刑獄所屬理斷不當有陳訴者付臺治

之御史中丞從三品貳大夫侍御史二員從五品以

上官品皆大定十二年遞陞掌奏事判臺事治書侍

御史二員從六品掌同侍御史殿中侍御史二員正

七品每遇朝對立於龍墀之下專劾朝者儀矩凡百



僚假告事具奏目進呈監察御史十二員正七品掌

糾察內外非違刷磨諸司察帳并監祭禮及出使之

事

參注諸色人大定二年八員承安四年十員承安五年兩司各添十二員

典事二員從

七品架閣庫管勾一員從八品檢法四員從八品獄

丞一員從九品

御史臺令史女直十三人內班內祇六人終場舉人七人漢人十五人內

班內祇七人終場舉人八人譯史三人內班內祇二人終場舉人一人通事三人

宣撫司秦和六年置陝西路宣撫使節制陝西右監軍

右都監兵馬公事八年改陝西宣撫司為安撫司山

東東西大名河北東西河東南北遼東陝西咸平隆  
安上京肇州北京凡十處置司使從一品副使正三  
品

勸農使司泰和八年罷貞祐間復置興定六年罷勸農  
司改立司農司使一員正三品副使一員正五品掌  
勸課天下力田之事

司農司興定六年置兼採訪公事大司農一員正二品  
卿三員正四品少卿三員正五品知事二員正七品

興定六年陝西并河南三路置行司農司設官五員  
正大元年歸德許州河南陝西各置作三員卿一員  
正四品少卿一員正五品丞一員正六品卿以下迭  
出巡察察官吏臧否而陞黜之使節所過吏屏息  
十年之間民政修舉實賴其力

三司泰和八年省戶部官員置三司謂兼勸農鹽鐵度  
支部三科也貞祐罷之使一員從二品副使一員  
正三品簽三司事一員正四品同簽三司事一員正

五品掌勸農鹽鐵度支判官三員從六品本參幹官

大安元年更參議規措審計官三員正七品掌同參

幹官知事二員從七品

以識女直漢字人充

勾當官二員正八

品

大安元年置三員照磨吏員七人

管勾架閣庫一員正八品

三司令史

五十人內女直十人漢人四十人大安元年增八人譯史二人大定元年增一人通事二人

知法

三員從八品

女直知法一員大安元年增二員

國史院

先嘗以諫官兼其職明昌元年詔諫官不得兼恐於其奏章私謾已美故也

監修國

史掌監修國史事修國史掌修國史判院事同修國

史二員

女直人漢人各一員承安四年更擬女直一員罷契丹同修國史

編修官正

八品女直漢人各四員

明昌二年罷契丹編修三員添女直一員大定十八年用

書寫出職人

檢閱官從九品

書寫女直漢人各五人

修遼史刊修官

一員編修官三員

翰林學士院

天德二年命翰林學士院自侍讀學士至應奉文字通設漢人十員女直契丹各七

員翰林學士承旨正三品掌制撰詞命凡應奉文字

銜內帶知制誥

直學士以上同

貞祐三年陞從二品翰林學

士正三品翰林侍讀學士從三品翰林侍講學士從

三品翰林直學士從四品不限員翰林待制正五品不限員分掌詞命文字分判院事銜內帶知制誥翰林修撰從六品不限員掌與待制同應奉翰林文字從七品

審官院

承安四年設大安二年罷之若注擬失當上令御史臺官論列

知院一員從三

品掌奏駁除授失當事

隨朝六品外路五品以上官除授並送本院審之補闕拾

遺監察雖七品亦送本院或御批亦送吏部除不送

同知審官院事一員從

四品掌書四人

女直漢人各二人以御史臺終場舉人擇充

太常寺

皇統三年正月始置

太廟虞犧郊社諸陵大樂等署隸焉

卿一員從三品少卿一員正五品丞一員正六品掌

禮樂郊廟社稷祠祀之事博士二員正七品掌檢討

典禮檢閱官一員從九品掌同博士

泰和元年置四年罷

檢討

二員從九品

明昌元年置以品官子孫及終場舉人同國史院漢人書寫例試補

太祝

從八品掌奉祀神主奉禮郎從八品掌設版位執儀

行事協律郎從八品掌以麾節樂調和律呂監視音

調太廟署皇統八年太廟成設署置令丞仍兼提舉

慶元明德永祚三宮令一員從六品掌太廟衍慶坤  
寧宮殿神御諸物及提控諸門關鍵掃除守衛兼廩  
犧令事丞一員從七品兼廩犧署丞直長明昌三年  
罷廩犧署令丞以太廟令丞兼掌薦犧牲及養飼等  
事

郊社署

承安三年設祝史齋郎百六十人作班祇儀  
使周年一皆大安元年奏兼武成王廟署

令一員從六品丞一員從七品掌社稷祠祀祈禱并  
廳舍祭器等物直長明昌三年廢



武成王廟署大安元年置令從六品丞從七品掌春秋祀享以郊社令丞兼

諸陵署

大安四年同隨朝

提點山陵正五品涿州刺史兼令

從六品丞一員從七品掌守山林直長正八品


園陵署令宛平縣丞兼貞祐二年以園陵遷大興縣境遂以大興縣令丞兼

大樂署兼鼓吹署樂工百人令一員從六品丞從七品掌調和律呂教習音聲并施用之法樂工部籍直

長一員正八品大樂正從九品掌祠祀及行禮陳設

樂縣大樂副正從九品

右屬太常寺



金史卷五十五

欽定四庫全書

史部

金史卷五十八

六至

詳校官國子監祭酒臣覺羅喜

內閣中書臣李彤復勘

總校官舉人臣章維桓

校對官中書臣吳樹萱

謄錄監生臣龔履正

欽定四庫全書

金史卷五十六

元中書右丞相總裁托克托等修

志第三十七

百官二

成前都轉檢司

宣徽院

祕書監

國子監

人府監

少府監

軍器監

都水監

院

大理寺

弘文院

金闕鼓院

登聞鼓院

記注院

院

集賢院

典政院

武衛軍都指揮使司

衛尉司

戶部兵刑工部所轄諸司

三路版築及外路倉庫牧園等職

殿前都點檢司

天眷元年置

掌親軍總領左右衛將軍符寶

郎宿直將軍左右振肅宮籍監近侍等諸局署鷹坊

頓舍官隸焉殿前都點檢正三品兼侍衛將軍都指

揮使掌行從宿衛關防門禁督攝隊伍總判司事殿

前左副都點檢從三品兼侍衛將軍副都指揮使殿

前右副都點檢從三品兼侍衛將軍副都指揮使掌

宮掖及行從殿前都點檢判官從六品

大定十二年設知事

一員從七品

殿前左衛將軍殿前右衛將軍殿前左衛副將軍殿前右衛副將軍掌宮禁及行從宿衛警嚴仍總領護衛右衛同此

符寶郎四員掌御寶及金銀等牌

舊名牌印祇候大定二年改為符寶

祇候改牌印令史為符寶典書四人

左右宿直將軍從五品掌總領親軍凡宮城諸門衛

禁并行從宿衛之事八員

大定二十九年行十員復作十一員

左右振肅正七品掌妃嬪出入總領護衛導從

本妃嬪

衛之長大定  
二年改今名

宮籍監提點正五品監從五品副監從六品丞從七  
品掌內外監戶及地土錢帛小大差發直長二員正  
八品掌同丞

近侍局提點正五品泰和八年初設使從五品副使  
從六品掌侍從承勅令轉進奏帖直長正八品

大定十八

年增二員奉御十六人舊名入寢殿實達爾奉職三十人舊名不入寢殿實達爾又名外帳實達爾皆大定十二年更



器物局提點正五品使從五品副使從六品掌進

器械鞍轡諸物直長正八品都監正九品

明昌三年省罷

監從九品

泰和四年設

尚厩局提點正五品使從五品副使從六品掌御

調習牧養以奉其事

大定二十九年添副使一員管小馬羣

直長一員

司馬牛羣掌厩都轄正九品

不限員

副轄從九品

不限員

資考

尚輦局使五品副使從六品掌承奉輿輦等事直

正八品

不限資考 大定十九年  
除年六十以下人充

典輿都轄從九口

不限  
資考

收支都監正九品大定二十年設掌給受之重

同監泰和四年設

大安二年  
年省

巴哩巴四人

鷹坊提點正五品使從五品副使從六品掌調養

鶚海東青之類直長正八品

不限  
員

管勾從九品

不限  
員

資考

武庫署令從六品掌收貯諸路常課甲仗

以曉軍  
女直人

丞從七品直長二員正八品

大定二年  
省一員

武器署提點從五品令從六品丞從七品掌祭祀朝會巡幸及公卿婚葬鹵簿儀仗旗鼓笛角之事直長

正八品

或二員

頓舍官二員

奉和令總格作四員

正八員直長

見士

民湏知泰和令無

右屬殿前都點檢司

宣徽院左宣徽使正三品右宣徽使正三品同知宣徽

院事正四品同簽宣徽院事正五品宣徽判官從六

品掌朝會燕享凡殿庭禮儀及監知御膳

所隸弩手傘子二百

三十九人控

鶴二百人

拱衛直使司威捷軍隸焉舊名龍翔軍正隆二年更為神衛軍大定二年更名為拱衛司都指揮使從四

品

舊曰使

副都指揮使從五品

舊曰副使

掌總統本直謹嚴

儀衛大定五年詔以使為都指揮使副使為副都指

揮使什將長行威捷軍

承安二年簽弩手千人  
泰和四年以之備邊事

鈴轄

正六品都轄從九品

不奏

客省使正五品副使從六品掌接伴人使見辭之事

引進使正五品副使從六品掌進外方人使貢獻禮物事

閣門

明昌五年閣門官以次排轉除授

東上閣門使二員正五品

明昌

六年省一員作從五品西同

副使二員正六品

明昌六年省一員西同

簽事

一員從六品掌簽判閣門事

西同明昌六年以減副使置

西上閣

門使二員正五品副使二員正六品簽事一員從六

品掌贊導殿庭禮儀

西閣門餘副二門

閣門祗候二十五人

正大間三十二人

閣門通事舍人二員從七品掌通班贊唱

承奏勞問之事承奉班都知正七品掌總率本班承奉之事舊置判官後罷內承奉班押班正七品掌總率本班承奉之事御院通進四員從七品掌諸進獻禮物及薦享編次位序

尚衣局提點正五品使從五品副使從六品掌御用衣服冠帶等事都監正五品

舊設後罷

直長正八品同監

從九品

儀鸞局

泰和四年或以少府監官兼或兼少府監官

提點正五品使從五

品副使從六品掌殿庭鋪設帳幕香燭等事直長四

員正八品

泰和令  
三員

收支都監正九品二員一員掌給

受鋪陳諸物一員掌萬寧宮收支庫

大定十年置明  
昌二年增一員

同監二員從九品

司吏二人如內  
藏庫知書例

尚食局

元光二年參用  
近侍奉御奉職

提點正五品使從五品副使

從六品掌總知御膳進食先嘗兼管從官食直長一

員正八品

不限  
資考

都監三員正九品

不限  
資考

生料庫都監

同監各一員掌給受生料物色收支庫都監同監各

一員掌給受金銀裏諸色器皿

以外路差除人內選充

尚藥局提點正五品使從五品

出職官內選除

副使從六品

掌進湯藥茶果直長正八品都監正九品果子都監

同監各一員掌給受進御果子

本局已哩巴四人

太醫院提點正五品使從五品副使從六品判官從

八品掌諸醫藥總判院事管勾從九品隨科至十人

設一員以術精者充如不至十人併至十人置

不限資考

正奉上太醫

一百二十月升除

副奉上太醫

不算月日

長行太醫



不算  
月日  
十科額五十人

御藥院提點從五品直長正八品掌進御湯藥

明昌五年

設以親信  
內侍人充

都監正九品

不限員奉  
和令四員

同監從九品

不常  
除泰

和令  
無

教坊提點正五品使從五品副使從六品判官從八

品掌殿庭音樂總判院事諧音郎從九品

不限員  
考員數

內藏庫

大定二年  
分為四庫

使從五品副使從六品掌內府珍

寶財物率隨庫都監等供奉其事直長一員

承安三年  
增

頭面庫都監正九品同監從九品

巴哩巴十人大定二年定出身依不

入寢殿

賓達爾制

段匹庫都監正九品同監從九品

巴哩巴十二人

金

銀庫都監正九品

巴哩巴八人

雜物庫都監正九品同監

從九品

巴哩巴八人每庫知書各二人

宮闈局

舊名宮門司大定二年改爲局舊設令丞改爲使制

提點正五品使從

五品副使從六品掌宮中閣門之禁率隨位都監同

監及內直各給其事直長正八品內直一百七十人

後作百七

十九人

內侍局令二員從八品

興定五年  
作從六品

丞二員從九品

興定五年  
陞從七品

掌正位閣門之禁率殿位都監同監及御

直各給其事局長二員從九品興定五年陞正八品

御直內直共六十四人明昌元年分  
宮闈局正位內直置初隸宮闈局

東門都監同監諸隨殿位承應都監同監掌各位承

應及門禁管鑰

昭明殿都監同監

大定二十九  
年授各一員

承徽殿都監同監

麗妃  
位

隆徽殿都監同監

本隆和殿  
僚隸后位

鸞翔殿都監

同監 崇儀殿都監同監 迎輝殿都監同監

七妃充客

泰和三  
年罷

藥珠殿都監同監 瑞寧殿都監同監

回春殿都監同監 芸香殿都監同監 瑞像殿都

監同監

像佛殿以上殿  
字下無位字

凝福

改韶  
景

溫芳二位都監

同監 瑤華桑則二位都監同監

以上無殿字  
及承應字

嘉

福等殿位都監同監

四位

廣仁殿都監同監 睿思

殿都監同監

以上有  
承應字

滋福殿都監同監

本以隆慶  
改無位字

咨正殿都監同監

通英殿都監同監 長慶院

都監同監 仙韶院都監同監 貞和門都監同監

應係錢帛經此門出入明昌四年添一員

右昇平門都監同監 長樂

門都監同監 瓊林苑都監同監

各二員

廣樂園都

監同監 順儀位提控都監同監

葛實林位

瑞華門

俗名

金骨朵門

都監一員同監三員 太師位提控都監同監

寶昌門都監同監 會昌門都監同監 東京孝

寧宮都監同監

崇妃位提控

世宗夫人興陵

惠妃位提

控都監同監

裕陵

溫妃位提控都監同監

裕陵二位明昌四年

添

報德寺提控都監同監

世宗御容光泰門街

報恩寺提

控都監同監

世宗御容清夷門街明昌三年設三

孝嚴寺都監同監

在南京安宣宗御容改興國感誠寺正大元年設三以下皆在南京

寧福殿都監同

監 三

純和殿都監同監

三

仁安殿都監同監

三

真妃位都監同監

三

麗妃位都監同監

宣儀

位都監同監

莊獻妃位都監同監

三廟都監同

監

貞祐二年設

西華門都監同監

京後園都監同監

內侍寄祿官

泰和二年設初隸官闡局尋直隸宣徽院

所以陞用內侍局

御直內直有年勞者

中常侍

正五品

給事中

從五品

內殿通直

正六品  
先名內殿給

使

黃門郎

從六品

內謁者

正七品

內侍殿頭

從七品

內使高品

正八品  
不限員

內侍高班

從八品

典衛司

大定二十九年世宗才人實林位各設秦和  
五年閏八月以崇妃薨與定元年復設世宗

妃才人實林位各  
設防衛軍導從人

令正七品丞從七品直長

見士氏  
須知

孝靖宮

章宗五妃位大安元年以  
有同監無總領者故設

令從八品丞正九

品端妃位同監

真妃圖  
克坦氏

慧妃位同監

麗妃圖  
克坦氏

貞妃位同監

柔妃唐古氏

靚儀位同監

昭儀瓜爾佳氏

才媛

位同監

修儀烏庫哩氏

懿安家

貞祐三年為莊獻太子設

令從八品丞正九品

宮苑司令從六品丞從七品掌宮庭修飭洒掃啓閉

門戶鋪設氈席之事直正八品一員

泰和令一員

都監同

監二員

泰和二年設泰和四年罷同監

尚醞署令從六品丞從七品掌進御酒醴直長正八

品二員



典客置令從六品丞從七品直長後罷

書表十八人

侍儀司

舊名擎執局大定元年改為侍儀局大定五年陞局為司

令從六品

舊曰局使

掌侍奉朝儀率捧案擎執奉犖各給其事

直長正七品

舊設局副品從七

### 右屬宣徽院

祕書監著作局筆硯局書畫局司天臺隸焉監一員從

三品少監一員正五品丞一員正六品祕書郎二員

正七品

泰和元年定為二員

通掌經籍圖書校書郎一員從七

品

承安五年二員泰和五年以翰林院官兼大安二年省一員

專掌校勘在監文

籍

著作局著作郎一員從六品著作佐郎一員正七品

掌修日歷

皇統六年著作局設著作郎佐郎各二員編修日歷以學士院兼領之

筆硯局直長二員正八品掌御用筆墨硯等事泰和

七年以女直應奉兼

舊名筆硯今史大定三年改為筆硯供奉以避諱改為承奉

書畫局直長一員正八品掌御用書畫紙扎都監正

九品二員或一員

司天臺提點正五品監從五品掌天文歷數風雲氣

色密以奏聞少監從六品判官從八品教授舊設二

員正大初省一員

係籍學生七十六人漢人五十人女直二十六人試補長行

司

天管勾從九品

不限資考員數隨科十人設一員以藝業尤精者充

長行人五

十人

未授職事者試補管勾

天文科女直漢人各六人算歷科

八人三式科四人測驗科八人漏刻科二十五人

儀銅

法物舊在法物庫員

元二年始付本臺

### 右屬祕書監

國子監國子學太學隸焉祭酒正四品司業正五品掌

學校丞二員從六品明昌二年增一員兼提控女直學

國子學博士二員正七品分掌教授生員考藝業

大學

同明昌二年添女直一員泰

助教二員正八品

女直漢人

扣四年減大安二年並罷

各一員教授四員正八品分掌教誨諸生

明昌二年小學各添二員

承安五年一員不除

國子校勘從八品掌校勘文字國子書寫

官從八品掌書寫實錄

太學博士四員正七品

大安二年減二員

助教四員正八品

明昌二年不除一員

大安二年減一員

### 右屬國子監

太府監左右藏支應所太倉酒坊典給署市買司隸馬  
監正四品少監從五品丞二員從六品掌出納邦國  
財用錢穀之事

左藏庫使從六品副使從七品

興定三年  
增一員

掌金銀珠

玉寶貨錢幣

巴哩巴  
四人

右藏庫使從六品副使從七品

興定三年  
添一員

掌錦帛絲綿毛褐諸道常課諸色雜物

巴哩

巴四

支應所

又作支承所

都監二員正九品掌宮中出入

御前支賜金銀幣帛

大安三年省

太倉使從六品掌九穀廩藏出納之事

預除人

副使從

七品

酒坊

郎降

使從八品副使正九品掌醞造御酒及支用

諸色酒醴

典給署本鈎盾署明昌三年更令從六品舊曰鈎盾

使丞從七品舊曰鈎盾副使掌宮中所用薪炭冰燭

并管官戶直長一員正八品

市買司天德二年更為市買局使從八品副使正九

品掌收買宣中所用果實生料諸物

右屬太府監

少府監尚方織染文思裁造文繡等署隸焉

泰和四年  
選能幹官

兼儀鸞局  
近上官

監正四品少監從五品丞二員從六品

大定

十一年省二  
十一年復置

掌邦國百工營造事

尚方署令從六品丞從七品掌造金銀器物亭帳車

輿牀榻簾席鞞傘扇及裝釘之事

大定二十年令不專除人令人

兼直長正八品

圖畫署

明昌七年省入祇應司

今從六品丞從七品掌圖畫樓

金匠直長正八品

明昌三年罷

裁造署令從六品丞從七品掌造龍鳳車具亭帳鋪

陳諸物宮中隨位牀榻屏風簾額條結等及陵廟諸

物并省臺部內所用物

泰和令有畫繪之事

直長從八品

明昌三年

省裁造匠六人針工婦人三十七人



文繡署令從六品丞從七品掌繡造御用并妃嬪等

服飾及燭籠照道花卉

貞祐二年止  
設官一員

直長正八品

工繡

一人都繡頭一人副繡頭四人女四百九十  
六人內上等七十人次等凡四各二十六人

織染署令從六品丞從七品直長正八品掌織絳色

染諸供御及宮中錦綺幣帛紗縠

文思署

明昌七年省  
入祿應司

令從六品丞從七品掌造內外

局分印合傘浮圖金銀等尚輦儀鸞局車具亭帳之  
物并三國生日等禮物織染文繡兩署金線直長正

八品

明昌三年省去

右屬少府監

軍器監承安二年設泰和四年罷復并甲坊利器兩署

為軍器署置令丞直長直隸兵部至寧元年復為軍

器監軍器庫利器署隸焉

舊轄甲坊利器兩署

監從五品少監

從六品丞從七品掌修治邦國戎器之事直長正八

品

泰和令無總格有

軍器庫至寧元年隸大興府貞祐三年來屬使正八

品副使正九品

省擬不奏

掌收支河南一路并在京所造

常課橫漆和買軍器

大定五年設

甲坊署泰和四年廢舊置令丞直長

利器署本都作院興定二年更令名同隨朝來屬令

從六品丞從七品掌修弓弩刀槊之屬直長正八品

### 右屬軍器監

都水監街道司隸馬分治監專規措黃沁河衛州置司

監正四品掌川澤津梁舟楫河渠之事興定五年兼

管勾治河漕運事作從五品少監正六品以下皆同

兼漕事少監從五品

明昌二年增一員衛州分治

丞二員正七品

內一員外監分治貞元元年置掾正八品掌與丞同

外監分治

大定二十七年添一員明昌三年併罷之六年復置二員

勾當官四員

准備分治監差委

明昌五年以罷掾設二員興定五年設四員

街道司管勾正九品掌洒掃街道修治溝渠

舊南京街道司

隸都水外監貞元

二年罷歸京城所

都巡河官從七品掌巡視河道修完堤堰栽植榆柳

凡河防之事分治監巡河官同此其瀘溝崇福上下  
埽都巡河兼石橋使通濟河節巡官兼建春宮地分

河道諸都巡河官掌提控諸埽巡河官

明昌五年設以合得縣令

人年六十者選充大吏二年設埽池河巡河官二員

散巡河官

於都局及丞簿廉舉人并見勾

當人六十以下者充

黃汴都巡河官下六處河陰雄武榮澤原武陽武延

津各設散巡河官一員

黃沁都巡河官下四處懷州孟津孟州城北各設黃

沁散巡河官各一員

衛南都巡河官下四處新鄉崇福上崇福下衛南淇  
上散巡河官各一員

滑濟都巡河官下四處武城白馬書城教城散巡河  
官各一員

曹甸都巡河官下四處東明西隄孟華陵城散巡河  
官各一員

曹濟都巡河官下四處定陶濟北寒山金山散巡河

官各一員

凡二十五埽埽  
兵萬二千人

諸埽物料場官掌受給本場物料分治監物料場官  
同此惟崇福上下埽物料場官與當界官通管收支  
南京延津渡河橋官兼譏察事管勾一員同管勾一  
員掌橋船渡口譏察濟渡給受本橋諸物等事內譏  
察事隸留守司餘浮橋官同此

右屬都水監皇統三年四月懷州置黃沁河  
堤大管勾司未詳何年罷正大二年外監東

置歸德西置於河陰

諫院左諫議大夫右諫議大夫皆正四品左司諫右司  
諫皆從四品左補闕右補闕正七品左拾遺右拾遺  
正七品

大理寺天德二年置自少卿至評事漢人通設六員女  
直契丹各四員卿正四品少卿從五品正正六品丞  
從六品掌審斷天下奏案詳讞疑獄司直四員正七  
品掌參議疑獄披詳法狀

舊有契丹司直一員明昌二年罷

評事三



員正八品掌同司直

明昌二年省契丹評事二員大安二年省漢人一員知法

十一員從八品

女直司五員漢人司六員

掌檢斷刑名事明法二

員從八品興定二年置同流外四年罷之

弘文院知院從五品同知弘文院事從六品校理正八

品掌校譯經史

登聞鼓院知登聞鼓院從五品同知登聞鼓院事正六

品掌奏進告御史臺登聞檢院理斷不當事承安二

年以諫官兼知法二員從八品

女直漢人各一員

登聞檢院知登聞檢院從五品同知登聞檢院正六品  
掌奏御進告尚書省御史臺理斷不當事知法從八

品

女直漢人  
各一員

記注院修起居注掌記言動明昌元年詔毋令諫官兼  
或以左右衛將軍兼員祐三年以左右司首領官兼  
為定制

集賢院貞祐五年設知集賢院從四品

正大元年授馬  
瑋顯外兼吏部

郎中同知集賢院從五品司議官正八品

不限  
員

諮議官

正九品

不限員

益政院正大三年置於內庭以學問該博議論宏遠者數人兼之日以二人上直備顧問講尚書通鑑貞觀政要名則經筵實內相也末帝出逐罷

武衛軍都指揮使司

隸尚書兵部

都指揮使從三品

大定二十九年

以武衛軍六十人兵馬一員副都二員其職低故設使品正四永安三年陞

副都指揮使

二員從四品副都一員從四品

初正五品永安三年陞

判官一

員

永安三年設

掌防衛都城警捕盜賊

鈐轄司鈐轄十員正六品

初設二員

都鈐轄四員從七品

興定三年權設巡把兩宅

都將二十員從九品

大定十六年立名

掌管轄

軍人防衛警捕之事

永安元年設萬人內軍八千九百四十九人忠衛二百人隊正

四百人

右屬武衛軍都指揮使司

衛尉司

大安元年擬隆慶宮人數定之

中衛尉從三品掌總中宮事務

副尉從四品左常侍從五品掌周護導從儀仗之事

右常侍從五品常侍官護衛三十人

同東宮

奉引八十

人同按

傘子四人

司按

執旗二人

同依

給事局使正七品副使正八品內謁者兼司寶二員

從六品

內直

奉閣一人

同東宮入殿小底

閣直二十人

同宮

內直

掖庭局令正九品

內直

掌皇后宮事務丞從九品

內直

光

宮令

宮苑司儀

食官

尚食局兼

飲官

尚醢署兼

醫官

尚藥局太醫院

兼

主藏

內藏典給署兼

主廩

太倉兼

右屬衛尉司

權貨務

在京諸稅係中運司見賤皆權於本務收

使從六品副使從七品掌

發賣給隨路香茶鹽鈔引

交鈔庫使

舊正八品從陞從七品貞祐復

掌諸路交鈔及檢勘錢鈔換

易收支之事副使從八品掌書押印合同判官正九

品

貞祐二年作從九品

都監二員

見泰和令

印造鈔引庫

大安二年兼抄紙坊

使從八品副正九品判正九品

掌監視印造勘覆諸路交鈔鹽引兼提控抄造鈔引

紙

承安四年罷四小庫并罷庫判四員至寧元年設二員貞祐二年作從九品

抄紙坊

大安二年以印造鈔引庫兼員  
祐二年復置仍設小都監二員

使從八品

貞祐二年

同隨

交鈔庫物料場

至寧元年置

場官

舊正八品  
作正九品

掌收支交鈔

物料隨處交抄庫鈔紙坊使從八品

貞祐二年設於  
上京西京北京

東平大名益都咸平真定河間平陽太原京兆平涼  
廣寧等府瑞新平清通順薊等州貞祐三年罷之

平準務

凡光二年五月設十月罷

使從六品副使從七品勾當官六

員

右自權貨務以下皆屬尚書戶部

惠民司令從六品掌修合發賣湯藥

舊又設丞一員大定三年有司言惠

民歲入息錢不償官吏俸上曰設此本欲濟民官非人怠於監視藥物財費何足計哉可減員而已直

長正八品都監正九品

右屬尚書禮部

四方館使正五品副使從六品掌提控諸路驛舍驛馬并陳設器皿等事

法物庫

元兼管大樂負元二年改付太常寺

使從六品副使從七品掌函

簿儀仗車輅法服等事直長正八品

奉和三



承發司管勾從七品同管勾從八品掌受發省部及外  
路文字

右屬尚書兵部

萬寧宮提舉司

舊大寧宮更名壽安宮又更今名

提舉從六品同提舉

從七品掌守護宮城殿位

巴哩巴五人

慶寧宮提舉司提舉正七品兼龍門縣令同提舉正八

品兼儀鸞監

右屬尚書刑部

修內司

大定七年設

使從五品副使從六品掌宮中營造事

兵匠一千六十五人兵夫二

千人仍命少府監長官提轄直長二員正八品部役

官四員正八品掌監督工役受給官二員正八品掌

支納諸物

都城所提舉從六品同提舉從七品掌修完廟社及城

隍門鑰百司公廨係官舍屋并栽植樹木工役等事

左右廂官各二員正八品掌監督工役受給官二員

正八品掌支納諸物及埏埴等事

祇應司提點從五品令從六品丞從七品掌給宮中諸

色工作直長正八品收支庫都監同監

泰和元年置

甄官署令從六品丞從七品直長正八品掌剡石及埏

### 埴之事

上林署提點從五品泰和八年勅大安二年省令從六

品掌諸苑園池沼種植花木果蔬及承奉行幸舟船

事丞從七品

大定七年增一員分司南京以勾判兼之大安三年復省一員

直長二

員正八品

花木局都監同監舊設接手官四人泰和元年罷復  
以諸司人內置都監同監二員貞祐三年罷都同監  
以同樂園管勾兼熙春園都監同監三員

泰和四年  
置貞祐三

省年

同樂園管勾二員每年額辦課程隸南運司宣宗南  
遷罷課改為隨朝職正八品

右皆屬尚書工部

京東西南三路檢察司

興定四年  
置

使從六品副使正七品

掌檢察支散軍糧驗軍戶實給均軍戶差役勸農種

毋犯私殺馬牛私鹽酒麴

南京豐行東西庫

隸運司貞祐二年同隨朝

使正八品副使從八品

判二員正九品監支納各一員正八品

提舉南京權貨司

貞祐四年置

提舉從五品同提舉從六品

勾當官三員正九品

提舉倉場司

貞祐五年置先吏部辟舉後省擬

使從五品副使從六品

掌出納公平及毋致虧敗監支納官八品十六員

以年

六十以下庶幹人充女直漢人各一廣盈倉豐盈倉  
永豐倉儲倉富國倉廣衍倉三登倉常盈倉而一場  
西二場西三場東一場東二場南一場北一場北二  
場通濟倉與在京倉置監支納使副各一員豐  
備倉豐贍倉廣濟倉潼關倉興定五年初置潼關倉  
監支納一員兼樞密院彈壓陳州倉四員洧川  
倉二員

八作左右院設官同上掌收軍須軍器

金史卷五十六

欽定四庫全書

金史卷五十七

元中書右丞相總裁托克托等修

志第三十八

百官三

內命婦 官人女職 皇后位下女職

東宮官屬 親王府屬 太后兩宮官屬

大興府 諸京留守司 諸京城官屬

提舉等職 按察司 諸路總管府 諸

府 諸節鎮防禦刺史縣鎮等職

諸轉運泉穀等職 諸府鎮兵馬等職

諸明安部族及羣牧等職

內命婦品元妃貴妃淑妃德妃賢妃正一品昭儀昭容

昭媛修儀修容修媛充儀充容充媛曰九嬪正二品

婕妤正三品美人正四品才人正五品各九員曰二

十七世婦寶林正六品御女正七品采女正八品各

二十七員曰八十一御妻

按金格貞祐後之制貴妃下有真妃淑妃下有麗妃

柔妃而無德妃賢妃九嬪曰婕妤下有麗妃下有麗妃

正三品順儀淑華淑儀為正四品尚宮夫人尚宮左

夫人尚宮右夫人宮正夫人寶華夫人尚儀夫人尚

服夫人尚寢夫人欽聖夫人齊明夫人為正五品尚

儀御侍尚服御侍尚寢御侍尚正御侍密符密侍奉

恩令人奉光令人奉徽令人奉美令人為正六品司



正	御侍	寶侍	御侍	司儀	御侍	司符	御侍	司寢	御侍	司
飾	御侍	司設	御侍	司衣	御侍	司膳	御侍	司藥	御侍	仙
詔	使光訓	良侍	明訓	良侍	遵訓	良侍	從訓	良侍	為正	
七	品典儀	御侍	典膳	御侍	典寢	御侍	典飾	御侍	典設	
御	侍典衣	御侍	典藥	御侍	仙詔	副使	承和	良侍	承惠	
良	侍承宜	良侍	為正	八品掌儀	御侍	掌服	御侍	掌寢		
御	侍掌飾	御侍	掌設	御侍	掌衣	御侍	掌膳	御侍	掌藥	
御	侍仙詔	掌音祇肅	良御祇敬	良侍祇愿	良侍為正					

品九

宮人女官職員品秩皆同唐制尚宮二人掌導引皇后  
 管司記司言司簿司關仍總知五尚須物出納等事  
 司記二人典記二人掌記二人掌在內諸文書出入

目錄為記審訖付行縣印等事女史六人掌職文簿  
司言二人典言二人掌言二人女史四人掌宣傳啓  
奏之事司簿二人典簿二人掌簿二人女史六人掌  
宮人名簿廩賜之事司闈六人典闈六人掌闈六人  
女史四人掌宮闈管鑰之事尚儀二人掌禮儀起居  
管司籍司樂司賓司贊事司籍二人典籍二人掌籍  
二人女史十人掌經籍教學紙筆几案之事司樂四  
人典樂四人掌樂四人女史二人掌音樂之事司賓

二人典賓二人掌賓二人女史二人掌賓客參見朝  
會引導之事司贊二人典贊二人掌贊二人女史二  
人彤史二人掌禮儀班序設板贊拜之事尚服二人  
掌司寶司衣司飾司杖之事司寶二人典寶二人掌  
寶二人女史四人掌珍寶符契圖籍之事司衣二人  
典衣二人掌衣二人女史四人掌御衣服首飾之事  
司飾二人典飾二人掌飾二人女史二人掌膏沐巾  
櫛服玩之事司仗二人典仗二人掌仗二人女史二

人掌仗衛兵器之事尚食二人掌知御膳進食先嘗  
司膳司醢司藥司饎事司膳四人典膳四人掌膳四  
人女史四人掌膳羞器皿司醢二人典醢二人掌醢  
二人女史二人掌酒醴司藥二人典藥二人掌藥二  
人女史二人掌醫藥司饎二人典饎二人掌饎二人  
女史二人掌宮人食并柴炭之事尚寢二人管司設  
司輿司苑司燈事司設二人典設二人掌設二人女  
司二人掌帷帳牀褥枕席洒掃鋪設司輿二人典輿

二人掌輿二人女史二人掌輿繖扇羽儀司苑二人  
典苑二人掌苑二人女史二人掌苑園種蒔蔬果司  
燈二人典燈二人掌燈二人女史二人掌燈油火燭  
尚功二人掌女功管司製司珍司絲司計司製二人  
典製二人掌製二人女史二人掌裁縫衣服纂組之  
事司珍二人典珍二人掌珍二人女史二人掌金珠  
玉寶財貨之事司絲二人典絲二人掌絲二人女史  
二人掌錦文緋絲絲帛之事司計二人典計二人掌

計二人女史二人掌支度衣服飲食柴炭雜物之事  
宮正二人掌總知宮內格式糾正推罰之事司正二  
人同掌典正二人糾察違失女史四人

皇后位下女職

依隆慶宮所設人數大定元年定

司閨一員八品掌宮

內諸事并給散宮人俸給食料秉儀一員八品丞儀  
一員九品掌左右給事宣傳啓奏經籍紙筆之事直  
閣一員司陳一員九品掌帳幕牀褥與緞洒掃鋪陳  
薪炭燈燭之事秉衣一員奉衣一員九品掌首飾衣

服器玩諸寶財貨裁製繅絲之事掌饌一員八品奉饌一員九品掌飲食湯藥酒醴蔬果之事

東宮官宮師府太子太師太子太傅太子太保正二品太子少師太子少傅太子少保正三品掌保護東宮導以德儀海陵天德四年始定制宮師府三師三少詹事院詹事三寺十率府皆隸焉左右諭德為東宮僚屬

詹事院太子詹事從三品少詹事從四品掌總統東宮

內外庶務左右衛率府從五品掌周衛導從儀仗左  
右監門正六品掌門衛禁鑰僕正正六品副僕正七  
品僕丞正九品掌車馬廐牧弓箭鞍轡器物等事掌  
寶二人從六品掌奉寶謹其出入典儀從六品贊儀  
從七品司贊禮儀侍正正七品侍丞正八品掌冠帶  
衣服左右給使之事典食令正八品丞正九品丞奉  
膳羞侍藥正八品奉藥正九品丞奉醫藥掌飲令正  
八品丞正九品丞奉賜茶及酒果之事家令正八品



家丞正九品掌營繕栽植鋪設及燈燭之事司經正  
八品副正九品掌經史圖籍筆硯等事司藏從八品  
副從九品掌庫藏財貨出入之事司倉從八品副從  
九品掌倉廩出納薪炭等事中侍局都監正九品同  
監從九品掌東閤內之禁令省察宮人廩賜給納諸  
物輅侍人等左諭德右諭德正五品左贊善右贊善  
正六品掌贊諭道德侍從文章內直郎正七品

右屬宮師府

親王府屬官傳正四品掌師範輔導叅議可否若親王  
在外亦兼本京節鎮同知府尉從四品本府長史從  
五品明昌三年改掌警嚴侍從兼總統本府之事司  
馬從六品同檢校門禁總統府事文學二人從七品  
掌贊導禮義資廣學問記室叅軍正八品掌表牋書  
啓之事大定七年八月始置二十年不專除令文學  
兼之

諸駙馬都尉正四品

提舉衛紹王家屬提舉從六品同提舉從七品舊為東

海郡侯邑令丞

提舉鶴厲王家屬提舉同提舉

以上二宅天興元年始聽自使

提控鞏國公家屬提控同提控

太后兩宮官屬正大元年置衛尉從三品副衛尉從四

品左典禁右典禁從五品奉令正七品奉丞正八品

太僕正六品副僕正七品門衛二員正六品典寶二

員正六品謁者二員從六品閣正從七品閣丞從八

品食官令正八品食官丞正九品宮令正八品宮丞  
正九品醫令正八品醫丞正九品飲官令正八品飲  
官丞正九品主藏正八品副主藏主廩從八品副主  
廩正九品

大興府尹一員正三品掌宣風導俗肅清所部總判府  
事餘府尹同兼領本路兵馬都總管府事車駕巡幸  
則置留守同知少尹判官惟留判不別置以總判兼  
之同知一員從四品掌通判府事餘府同知同此少

尹一員正五品掌同同知總管判官一員從五品掌

紀綱總府衆務分判兵案之事府判一員從五品掌

諮議叅佐糾正非違紀綱衆務分判吏部工案事推

官二員從六品掌同府判分判戶刑案事內戶推掌

通檢推排簿籍

舊一員人定  
五年增一員

知事正八品掌付事勾

稽省置文牘總錄諸案之事都孔目官女直司一員

漢人司一員職同知事掌監印監受案牘餘都孔目

官同此不常置省則吏目攝

六案司吏七人五人內  
女直十五人漢人六十

人司吏分作六案各置孔目官一員掌呈覆糾正本  
案文書餘分前後行其他處應設十人以下六人以  
上者置孔目官三人及置提點所處仍舊女直司吏  
若十二人以上分設六案不及者設三案五人以下  
設一案通掌六案事  
以上名充孔目官  
知法三員從八品女直一員漢

人二員掌律令格式審斷刑名

抄事一人掌抄事目  
寫法狀以前後行吏

人選公  
使百人

女直教授一員東京北京上京河東東西路

山東東西路大名咸平臨潢陝西統軍司西南招討

司西北路招討司博索路海蘭路率賓扶餘呼爾哈

隆州泰州蓋州並同此皆置醫院醫正一人醫工八

人

諸京留守司留守一員正三品帶本府尹兼本路兵馬  
都總管同知留守事一員正四品帶同知本府尹兼  
本路兵馬都總管副留守一員從四品帶本府少尹  
兼本路兵馬副都總管留守判官一員從五品都總  
管判官一員從五品掌紀綱總府衆務分判兵案之  
事推官一員從六品掌同府判分判刑案之事上京  
兼管林木事司獄一員正八品

司吏女直司吏上京  
二十人北京十三人

東京十人南京西京各五人漢人司吏三十萬戶以上六十人二十五萬戶五十人十萬戶以上四十人七萬戶以上三十五人五萬戶以上三十人三萬戶以上二十四人不及萬戶十人譯人上京北京各三人東京西京南京  
知法女直漢人各一員南京漢

人二員

抄事一人掌抄錄事目  
書寫法狀公使百人

京城門收支器物使

貞祐元年置每城一面設一員五年南京隨面添設舊有小都監後

省正八品十四

員戶部辟舉

開陽門

宣仁門

安利門

平化

門 通遠門

宜照門

利川門

崇德門

迎秋

門 廣澤門

順義門

迎朔門

順常門

廣智



門已上各門副尉兼職

貞祐五年制  
乃罷小都監

十四門尉從七

品副尉正九品

上京提舉皇城司提舉一員從六品同提舉一員從七

品

司吏  
一人

南京提舉京城所提舉一員正七品同提舉一員從七

品掌本京城壁及繕修等事不常置上京同此管勾

一員正八品掌佐繕治受給官一員掌收支之事壕

寨官一員掌監督修造

皇城使一員正八品副使一員正九品掌宮闕繕修之事不常置

管勾北太一宮同樂園二員正八品掌守宮園繕修之事

慶元宮小都監三員掌鋪陳祭器諸物餘宮同

花園小都監二員

東京宮苑使一員

西京北  
京同

東京西京御容殿閣門各二員掌享祀禮數鋪陳祭器

東京萬寧宮小都監一員

按察司本提刑司承安三年以上京東京等提刑司併  
為一提刑使兼宣撫使勸農採訪事為官稱副使判  
官以兼宣撫副使判官為名復改宣撫為安撫各設  
安撫判官一員提刑一員通四員安撫司掌鎮撫人  
民譏察邊防軍旅審錄重刑事安撫判官則銜內不  
帶勸農採訪事令專管千戶穆昆安撫使副內差一  
員於咸平一員於上京分司承安四年罷咸平分司

使在上京副在東京各設簽事一員承安四年改按  
察司貞祐三年罷止委監察採訪使一員正三品掌  
審察刑獄照刷案牘糾察濫官汙吏豪猾之人私盜  
酒麴並應禁之事兼勸農桑與副使簽事更出巡案  
副使正四品兼勸農事簽按察司事正五品承安四  
年設判官二員從六品大定二十九年設明昌元年  
以陝西地濶添一員知事正八品承安三年上京者  
兼經歷安撫司使泰和八年十一月省議以轉運司

權輕州縣不畏不能規措錢穀遂詔中都都轉運依  
舊專管錢穀事自餘諸路按察使並兼轉運使副使  
兼同知簽按察並兼轉運副添按察判官一員為從  
六品中都西京路按察司官止兼西京路轉運司事  
遼東路惟上京按察安撫使及簽事依舊署本司事  
遼東轉運使兼按察副使同知轉運使兼簽按察司  
事轉運副使兼按察判官添知事一員知法二員從  
八品

書史四人書史十人抄  
事一人公使四十人

右中都西京並依此置

陝西上京兩路設簽按察司事二員上京簽安撫司  
事上京東京等路按察司并安撫司使正三品鎮撫  
人民譏察邊防軍旅之事仍專管明安穆昆教習武  
藝及令本土純愿風俗不致改易副使二員正四品  
簽安撫司事正五品簽按察司事正五品知事兼安

撫司事正八品知法四員從八品

書吏四人上京東  
京書吏十八人女

直十二人漢人六人中都西京女直五人漢人五人  
北京臨潢女直三人漢人五人南京女直二人漢人  
七人山東女直三人漢人七人  
大名女直三人漢人六人抄事一人公使十人  
右按察使於

上京副使於東京各路設簽事一員分司勾當惟安撫司不帶勸農字內知事於上京自餘並於兩處分減存設

諸總管府謂府尹兼領者都總管一員正三品掌統諸城隍兵馬甲仗總判府事同知都總管一員從四品掌通判府事惟博索路同知都總管兼來遠軍事兵馬副都總管一員正五品所掌與同知同總管判官一員從六品掌紀綱總府衆務分判兵案之事府判

一員從六品掌紀綱衆務分判戶禮案仍掌通檢推  
排簿籍推官一員正七品掌同府判分判工刑案事

知法一員

司吏女直山東西路十五人大名十四人

路河北西路各十人博索路十一人河北東路八人  
河東南北路京北慶陽臨洮鳳翔延安各四人漢人  
戶十八萬以上四十二人十五萬以上四十人十三  
萬以上三十八人十萬以上三十五人七萬以上三  
十二人五萬以上二十八人三萬以上二十二人不  
及三萬戶二十人博索路海蘭路各二人譯人咸平  
三人河北東西山東東西海蘭大名臨潢各二人餘  
各一人通事博索海蘭路高麗通事一人臨潢北都  
通事一人部路通事一人小部落通事二人慶陽府  
通事一人抄事一人公使八十人臨潢別置伊喇十



三人凡諸府置員並  
同惟海關路無府事

諸府

謂非兼總  
管府事者

尹一員正三品同知一員正四品少尹

一員正五品府判一員從六品掌紀綱衆務分判吏

戶禮案事專掌通檢推排簿籍推官一員正七品掌

同府判兵刑工案事府教授一員知法一員

司吏女  
直皆三

人漢人若管十六萬戶四十人十四萬以上三十八  
人十二萬以上三十五人十萬以上三十二人七萬  
以上三十人五萬以上二十五人三萬戶以上二十  
人不及三萬戶十七人譯人一人通事一人抄事一  
人公使  
七十人

諸節鎮節度使一員從三品掌鎮撫諸軍防刺總判本  
鎮兵馬之事兼本州管內觀察使事其觀察使所掌  
並同府尹兼軍州事管內觀察使同知節度使一員  
正五品通判節度使事兼州事者仍帶同知管內觀  
察使副使一員從五品節度判官一員正七品掌紀  
綱節鎮衆務僉判兵馬之事兼制兵刑工案事觀察  
判官一員正七品掌紀綱觀察衆務僉判吏戶禮案  
事通檢推排簿籍知法一員州教授一員司獄一員

正八品

司吏女直隆州十四人蓋州十二人泰州十人率賓鴨爾哈各十人扶餘八平宗懿定

行萊密滄冀那同雄寶克那涅朔奉聖豐雲內許徐  
鄧鞏麟全肇各三人餘各二人漢人依府尹數例譯  
人一人通事二人抄事一人公使人上鎮七十中六  
十五下六十人惟扶餘呼爾哈率賓各二十人哈斯  
罕路扶餘路呼爾哈路率賓路  
四節鎮省觀察判官而無州事

諸防禦州防禦使一員從四品掌防捍不虞禦制盜賊

餘同府尹同知防禦使事一員正六品掌通判防禦

使事判官一員正八品掌簽判州事專掌通檢推排

簿籍知法從九品州教授一員司軍從九品軍轄兼

巡捕使從九品

司吏女直一人漢人管戶五萬以上二十人以率而減譯人一人通事一

人抄事一人公使上州六十人  
中五十五人下五十人

諸刺史州刺史一員正五品掌同府尹兼治州事同知

一員正七品通判州事判官一員從八品簽判州事

專掌通檢推排簿籍司軍從九品知法一員軍轄兼

巡捕使從九品

司吏女直韓慶信澤蘄通登復瀋貴德涿利建州來遠軍各三人餘各二

人抄事一人公使上州五十中四十五下四十惟來遠軍同下州省同知凡諸州以上知法並於孔目官內輪差運司押司官並同無孔目官以上各司吏充司縣同此

諸京警巡院使一員正六品掌平理獄訟警察別部總

判院事副一員從七品掌警巡之事判官二員正九

品掌檢稽失簽判院事

司吏女直中都各三人上東京三京各二人餘各一人漢

人中都十五人南京九人西京八人東京六人北京五人上京四人惟東西北上京無副使

諸府節鎮錄事司錄事一員正八品判官一員正九品

掌同警巡使

司吏戶萬以上設六人以下為率減之凡撫鎮二千戶以上則依此置以下則

止設錄事一員不

及百戶者並省

諸防刺州司候司司候一員正九品司判一員從九品

司史公使七人

然亦驗戶口置

赤縣

謂大興  
宛平縣

令一縣從六品掌養百姓按察所部宣導

風化勸課農桑平理獄訟捕除盜賊禁止游惰兼管

常平倉及通檢推排簿籍總判縣事丞一員正八品

掌貳縣事主簿一員正九品掌同縣丞尉四員正八

品專巡捕盜賊餘縣置司尉者同此

司史十人內一  
名取識女直漢

字者充公

使十人

次赤縣又曰劇縣令一員正七品丞一員正九品主簿

一員正九品尉一員正九品

諸縣令一員從七品丞一員正九品主簿一員正九品

尉一員正九品凡縣二萬五千戶以上為次亦為劇

二萬以上為次劇在諸京倚郭者曰京縣自京縣而

下以萬戶以上為上三千戶以上為中不滿三千為

下中縣而下置丞以主簿與尉通領巡捕事下縣則

不置尉以主簿兼之

中縣司吏八人下縣司吏六人公使皆十人

諸知鎮 知城 知堡 知寨 皆從七品

其設公使皆與縣同

惟監戶口

置司吏

諸司獄司獄一員正九品提控獄囚

司吏一人公使二人典獄二人防守

獄四門禁啓閉之事

獄子防守罪囚者

市令司惟中都置令一員正八品

南遷以左右警使兼

丞一員正

九品掌平物價察度量權衡之違式百貨之估直

司吏

四人公使八人

軍器庫使一員正八品副使一員從九品掌甲冑兵仗

司吏二人庫子掌出納之數看守巡護中都南京依此置西京省副使北京惟副使仍兼八作使隨府節



鎮設使副若軍器兼作院軍資兼軍器庫及防刺郡則置都監一員以軍資監兼者如舊

作院使一員副使一員掌監造軍器兼管徒囚判院事

都監一員掌收支之事

牢長監管囚徒及差設牢字中都南京依此置仍加都字

南京省都監一員東京西京置使或副一員上京並省隨府節鎮作院使副並以軍器使副兼之其或置一員或以軍資庫兼之若元設甲院都監處並薊州專設使副者並仍舊

都轉運司使正三品掌稅賦錢穀倉庫出納權衡度量

之制同知從四品副使正五品都勾判官從六品紀綱衆務分判勾案惟南京勾判兼上林署丞戶籍判

官二員從六品舊止一員承安四年增置一員不許

別差專管拘收徵剋等事支度判官二員從六品掌

勾判分判支度案事監鐵判官一員從六品都孔目

官二員勾稽文牘知法二員從八品

都勾案戶籍案  
監鐵案支度案

開折案司吏女直八人漢人九十人抄事一人譯史  
三人通事一人押遞五十人監運諸物公使八十八人

惟中都路置都轉運司餘置轉運司省戶度判官各

一員南京西北京遼東山東西路河北東路則置

女直知法漢知法各一員山東東路河東南路北路

河北西路陝西東西路則置漢知法一員餘官皆同

中都置女直司司吏遼東路上人西北京山東西

路各五人餘路皆四人譯史遼東路三人餘各二人

通事各一人漢人司司吏課額一百八十萬貫以上  
者五十人百五十萬貫以上四十五人百二十萬貫  
以上四十人九十萬貫以上三十五人六十萬貫以  
上三十人三十萬貫以上二十五人不及三十萬貫以  
二十人公使人各七十人押遞南京山東東西路河  
東南路河北西路五十人西京河東北路河北東路  
各四十人餘路  
路各三十人

山東鹽使司與寶坻滄解遼東西京北京凡七司使一

員正五品他司皆同副使二員正六品它司皆判官

三員正七品泰和作四員寶坻解州掌幹鹽利以佐

國用管勾二十二員正九品寶坻解西京則設六員  
北京遼東西州則設四

員同管勾都同監省

掌分管諸場發買收納恢辦之事同管

勾五員都監八員監同各七員知法一員

司吏二十二人女直

三人漢人十九人譯人一人抄事公使四十人它司皆同

中都都麴使司

酒使司院務使司附

稅醋使司

榷場蕪酒

使從六品副使正七品掌監知人戶醞造麴蘖辦課以佐國用餘酒使監醞辦課同此都監二員正八品

掌簽署文簿檢視醞造

司吏四人公使十人凡京都及真定皆為都麴酒使司設

官吏同此他處置酒使司課及十萬貫以上者設使副小都監各一員五萬貫以上者設使副各一員已

上皆設司吏三人三萬貫以上者設使及都監各一員司吏二人不及二萬貫者為院務設都監同監各一員不及千貫之院務止設都監一員其他稅醋使司及榷場與酒稅相兼者視課多寡設官吏皆同此諸酒稅使三萬貫以上者正八品諸酒榷場使從七品五萬貫以上副使正八品

### 提舉南京路榷貨事從六品

中都都商稅務司使一員正八品副使一員正九品

大正

元年陞為從七品

掌從寔辦課以佐國用都監一員從九品

掌簽署文簿巡察匿稅

司吏四人公使十人餘置官吏同酒使司

中都廣備庫使一員從七品副使一員從八品判官一

員正九品掌尺帛顏色油漆諸物出納之事

備典四  
人庫子

十四人內十二人收支二人應辦掌排  
數出納看守巡護之事與庫官同管

永豐庫鑄鐵院都監隸馬使一員從七品副使一員從

八品判官一員正九品掌泉貨金銀珠玉出納之事

備典三人庫子十二人內十人收支二人應辦凡歲  
收二十五萬貫者置庫子十人不及二萬貫者置二  
人

鑄鐵院都監二員管勾生熟鐵釘線

備典一人京府  
鎮通州並依此

置判官都監皆省或兼軍器並作院或設使  
若副一員防刺郡設都監一員乃兼軍器庫

南京交抄庫使一員正八品副使一員正九品掌出入

錢鈔兌便之事

稽典二人撥寫計帳類會合同庫子  
八人掌受納錢數辦驗交鈔毀舊主

簿  
歷

中都流泉務大定十三年上謂宰臣曰聞民間質典利  
息重者至五七分或以利為本小民苦之若官為設  
庫務十中取一為息以助官吏廩給之費似可便民  
卿等其議以聞有司奏於中都南京東平真定等處  
并置質典庫以流泉為名各設使副一員凡典質物

使副親評價值許典七分月利一分不及一月者以日計之經二周年外又逾月不贖即聽下架出賣出帖子作寫質物入姓名物之名色金銀等第分兩及所典年月日錢貫下架年月之類若亡失者收贖日勒合千人驗元典官本并合該利息賠償入官外更勒庫子驗典物日上等時估償之物雖故舊依新價償仍委運司佐貳幕官識漢字者一員提控若有違犯則究治每月具數申報上司大定二十八年十月



京府節度州添設流泉務凡二十八所明昌元年皆罷之二年在都依舊存設使一員正八品副使一員

正九品掌解典諸物流通泉貨勾當官一員

備典二十

中都店宅務管勾四員正九品各以二員分左右廂

掌官房地基徵收官錢檢料修造摧毀房舍

備典左右廂各

五人掌徵收及檢料修造房屋之事庫子左右廂各三人催錢人左右廂各十五人又別設左廂平樂樓

花園子一名右

廂館子四人

南京店宅務同

中都左右廂別貯院使一員從八品副使一員正九品

判官從九品掌拘收退朴等物及出給之事

摺典庫子同前

中都木場使一員從八品副使一員判官一員皆正九

品掌拘收材木諸物及出給之事

司吏一人庫子四人花料一人木匠

一人

中都買物司使一員從八品副使一員正九品掌收買

官中所用諸物都監四員從九品掌支應等事

司吏二人

京兆府司竹監管勾一員從七品掌籜養竹園採斫之

事

司吏一人監兵百人給籜養採斫之役

諸綾綿院

置於真定平陽太原河間懷州

使一員正八品副使一員正

九品掌織造當課足段之事

規措京兆府耀州三白渠公事規措官正七品掌灌溉

民田點檢渠堰官一員掌點檢啓閉涇陽等縣渠堰

司吏  
三人

漕運司提舉一員正五品景州刺史兼領掌河倉漕運

之事同提舉一員正六品勾當官從八品掌催督起

運網船

司吏六人分掌課使起運兩科各設孔目官前後行各一人保使科掌吏戶禮樂起運料

掌兵刑工案公使八十人押綱官七十六人景州依此置肇州以提舉兼

本州同知同提舉兼州判

諸倉使正八品副使正九品掌倉廩畜積受納租稅支

給祿廩之事

摺與掌收支文歷行署案牘歲收一萬石以上設二人倉子掌斛斗盤量出納

看守之事

草場使副使掌儲積受給之事

摺與二人場子掌積樑出納看守巡護之事歲

收五萬以上設四人中都南京歸德河南京北鳳翔依此置西京省副使餘京節鎮各設使副一員防刺仍舊置都

監一員

南京諸倉監支納官草場監支納官正八品

南京提控規運柴炭使從五品副使正六品

京西規運柴炭場使從八品副使正九品

諸總管府節鎮兵馬司都指揮使一員正五品巡捕盜

賊提控禁夜糾察諸博徒屠宰牛馬總判司事副都

指揮使二員正六品貳使職通判司事分管內外巡

捕盜賊

軍典十二人常本庫各籍差遣文簿行署文書巡捕等事餘軍典同此司吏一人譯人一

人公使

指揮使一員從六品鈴轄四都之兵以屬都

指揮使專署本指揮使事軍使一員正七品指揮之

職左右什將各一人共管一都

軍典二人營典一人左右承局各一人左

右押官各一人以上軍員每百人為一指揮使各一員分四都每都設左右什將承局押官各一若人數不及附近相合者並依上置如無可相合者三百人以上為一指揮二百人以上止設指揮使一百人止設軍使仍每百人以上立為一都不及百人設什將承局押官各一其指揮下軍使什將下軍典營典各同此置惟北京西京止設使副各一員

諸府鎮都軍司都指揮使一員正七品

節鎮軍都指揮使則從七品

掌軍率差役巡捕盜賊總判軍事仍與錄事同管城

隍

軍典二人公使六人九諸府及節鎮並依此置

諸防刺州軍轄一員掌同都軍兼巡捕仍與司候同管

城壁

軍典二人

諸府州兵馬鈐轄一員從六品掌巡捕盜賊若有盜則

總押隨處巡尉併力巡捕

司吏二人京兆咸平濟南鳳翔萊密懿單州並依此

置惟京兆咸平府置

兵馬都鈐轄餘並省

諸巡檢中都東北都巡檢使一員正七品通州置司分

管大興遼陰昌平通順薊盈州界盜賊事

司吏一人掌行署文

書馬軍十五人於武衛馬軍

內選少壯熟閑弓馬人充

西南都巡檢一員正七品良鄉縣置司分管良鄉宛平

安次永清縣并涿易州界盜賊事

諸州都巡檢使各一員正七品副都巡檢使各一員正

八品

司吏各一人 右宿泗唐鄆蔡毫陳賴德華  
河隴秦等州并西北路依此置餘不加使字

散巡檢正九品內泗州以管勾排岸兼之皆設副巡檢

一員為之佐

右地險要處置司唐鄆宿泗賴壽蔡等  
州及緣邊二十五處置大定二十二年

廣寧府大斧山置巡檢司明昌五

年七月升蔡州劉輝村置巡檢



潼關關使兼譏察官正七品掌關禁譏察姦偽及管鑰

啓閉副譏察正九品掌任使之事

司吏二人女直漢人各一

居庸

關紫荆關通會關會安關及他關皆設使從七品

大慶關管勾河橋官兼譏察事一員正八品掌解繫浮

橋濟渡舟楫巡視河道修完埽岸兼率埽兵四時功

役栽植榆柳預備物料譏察姦偽等事同管勾一員

司吏二人女直漢人各一人九

鼎大陽津渡惟置譏察官一員

孟津渡譏察一員正八品掌譏察姦偽副譏察一員正

九品

司吏二人

提舉譏察使正五品副使從五品

陝西一員河南二員

南遷置譏

察使正七品副使正八品南遷後陝西置於秦州河

南置於唐鄧息壽泗五州

提舉秦藍兩關提舉從五品同提舉正六品

南遷後置

提舉三門集津南北岸正六品

南遷後置

汧淮譏察使從五品

管勾泗州兼排岸巡檢正九品

諸邊將正將一員正七品掌提控部保將輪番巡守邊

境副將一員正八品部將一員正九品輪番巡守邊

境隊將正九品

鄜延九將慶陽十將臨洮十四將鳳翔十六將河東三將並依此置

統軍司

河南山東陝西益都

使一員正三品督領軍馬鎮攝封陞

分營衛視察姦副都軍一員正四品判官一員從五

品紀綱庶務簽判司事

大定九年置

知事一員從七品知

法二員從八品女直漢人各一

書史十三人女直八人漢人五人掌行署

文牘上名監印守當官四人譯書四人通事一人抄事一人公使五十人河南依此置山東不設判官知

法以益都府

知法兼之

招討司

三處置西北路西南路東北

使一員正三品副招討使二員

從四品招懷降附征討携離判官一員從六品紀綱

職務簽判司事勘事官一員從七品知事一員正八

品知法二員從八品女直漢人各一

司吏十九人譯人三人通事六

六內諸部三人河西一人伊喇三十人以上各充都管抄事一人公使五十人西北路增勘事官一員東

北路不置

漢人知法

諸明安穆昆隸焉明安從四品掌修理軍務訓練武藝

勸課農桑餘同防禦

司吏四人譯人一人塔瑪差役人數並同舊例

諸穆昆

從五品掌撫輯軍戶訓練武藝惟不管常平倉餘同

縣令

女直司吏一人譯人一人塔瑪

諸部族節度使節度使一員從三品統制各部鎮撫諸

軍餘同州節度副使一員從五品判官一員知法一

員

司吏四人女直漢人各半通事一人譯人一人塔瑪右部羅大部族特哩袞部族並依此置

諸札詳袞一員從五品掌守戍邊堡餘同穆昆皇統八

年六月設本班左右詳袞定為從五品默濟格一員

從八品掌貳詳衮

司吏三人實納昆掌木札差役等事塔瑪隨從也茂札唐古札伊利

札穆騰札古勒敦札蘇嚕克札並依此置惟蘇嚕克札添設譯人一名士民須知某年有蘇穆坦札呼敦

札哈瑪爾札無蘇嚕克札穆騰札

諸額爾奇木司額爾奇木一員從八品分掌部族村寨

事

司吏女直一人漢人一人寔納昆掌木札差役等事塔瑪右土魯渾部族南北額爾奇木司依此置

部羅大部族左右額爾奇木司置女直司吏一人

諸圖哩圖哩一員從七品掌部落詞訟訪察違背等事

女直司吏

人通事一人

諸羣牧所又國言謂烏爾古提控諸烏爾古一員正四

品明昌四年置

是年以安遠大將軍尚廐局使舒穆魯貞兼慶州刺史為之設女直司吏

三人譯人一  
人通事一人

使一員從四品

國言作烏  
爾古使

副使一員從

六品掌檢校羣牧畜養蕃息之事判官一員正八品

掌簽判本所事知法一員從八品

女直司吏四人譯  
人一人塔瑪十六

人使八人副五人判三人又設繖衮  
圖依達分掌諸畜所謂牛馬羣子也

惟班第音烏濟

騰布希羣牧依此置

金史卷五十七